



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Postvlatio.

urn:nbn:de:hbz:466:1-30427

quod non est mortale, non est peccatum mortale, & quia pollutio, quæ fit à natura sine causa precedente voluntaria non est mortalis, ideo nec eius appetitus, supr. Communio. §. 5. Eodem modo si fiat in vigilia, iudicandum est sicut in somnis.

POPVLVS.

POPVLVS sex 10. viris fieri potest, unde ad hoc q. aliquis dicatur populus scandalizare, sufficit q. 10. viri graues, & honesti de populo scandalizentur, licet in populo sint mille viri, sec. 10. in summa cōf. q. 10. viri faciāt populum, est c. vno. 10. q. 3. in glos. congregationem autem faciūt duo. c. 1. de ele. & tres collegiū ff. de ver. sig. l. Ne rarius. Ius autē collegij potest in vno seruari, omnibus alijs mortuis, vel priuatis, secundum glos. in c. 1. de postu. prælat. licet non remaneat collegium, quia vocis significatum deficit.

POSTVLATIO.

DE postulatione prælatorum, quia magis ad iudices, quam ad cōfessores spectat, remitto studentes ad ius canonicū: extrā de postu. & ad ea quæ supr. dicta sunt, de elect. supr. Electio. per tot. & quomodo peccant postulantes indignos, sicut eligētes, satis ibi dictum est. Nam nec criminosi nec non professi, tacite, vel expresse, nec epileptici, nec mutilati, nec bigami, nec qui de iure nō possunt eligi, sunt postulandi, vide Sil. verb. postulatio. q. 3. §. 1.

PRÆBENDA.

PRÆBENDA propriè cōsistit in perceptione fructuū: canonica verò in iure eius, qui receptus est in canonicum, ad quod ius postea pertinet præbenda, stallus in choro, & locus in capitulo, siue vox, vt in c. relatum. de præb. de consti. c. cum M. Et quamuis præbenda sit quoddā temporale, quia tamen est annexa spirituali, ideo videri nō potest sine simonia. 1. q. 3. c. si quis obiecerit. nec promissio de præbenda vacatura valet, secundum Innoc. d. c. relatum.

In receptione canonicorum, & collatione præbendarum, absentes canonici sunt vocandi, si commodè fieri po-

test, nisi consuetudo obstat in contrarium: aliās quod in eorum absentia fieret, deberet irritari eis instantibus, de præbend. c. cum in ecclesijs. libr. 6. Quid sit dignitas, & qui habere possunt, vide aliquid suprā. Beneficium.

Dignitas §. 1.

PRECARIUM.

PRECARIUM secundum Pan. c. 1. 2. & 3. eod. tit. dicitur, quod precibus petentibus conceditur, tandiu durans, quandiu is, qui concessit patitur, & est contractus gratuitus, differtens tamē à donatione, & comodato: quia donatio regulariter non reuocatur, & in commodato debet esse vsus certus, & tempus saltē tacite determinatum, quod si vnū istorum deficiat, erit precarium, nec commodatū potest reuocari ante vsū ad placitum. c. 1. de comm. sicut precariū. c. final. eod. Non tamen liceret reuocare sine causa, & cum magno dāno proximi, quia obstatet sibi exceptio doli: cum non possit negari quin sit beneuola actio, & ideo nō debet aduersari in beneficio concessio.

SOLVITVR precarium voluntate eius qui concessit. ff. eod. l. 1. & morte eius cui concessum est. c. fin. eod. quia concessio personalis extinguitur cum persona in regula, priuilegiū, de regul. iur. libr. 6. Item alienatio rei concessæ precario nomine soluitur, si is cui est alienata à primo domino velit reuocare. in d. c. fin. Item finito tempore ad quod res fuerat concessa. ff. eodem. l. cum precarium. Non autem soluitur morte concedentis. sec. Pa. in c. precarium. eod. nā ubi actus validitatis pēdet ex voluntate alterius, non reuocatur per illius mortē. præsumitur enim quis perseverare in ea voluntate, qua moritur, ca. maiores. de bap. Secus est, quando aliquid conceditur vsque ad placitum suum, quia per mortem spirat: in c. si graciosè. de refer. libr. 6.

NON potest præscribi res precario nomine habita, vel sicut precaria regulariter, secundum gloss. in c. clericū. 1. 6. q. 3. nisi ex magna longinquitate temporis dominus obliuiscatur possessionis,